



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

DOM
CAMILIVS
SATVRNALIS
MILIE NATVLE PAT
RONEMERENTISSINE
FECIT

Unc: 8 1/2.

Unc: 8 1/2

Unc: 10 1/2.



*Inscriptionem hanc, pro Libertate factam,
Marmoreq₃ incisam, suis sumptibus, Areetiam
incidi voluit GEO: SPEKE, nobilis Belga.*

M. R. G. G. G. G.

XV. *Inscriptio Tarraconensis : Cum Commentario Guil. Musgrave, M. D. Coll. Med. et Societ. Reg. Lond. Socij.*

EX Inscriptionibus *Tarracone* inventis, quas suo tempore *multas* esse tradidit *Ant. Augustinus* (1), una *Britanniam* nuper, a quodam mihi noto et familiari, Cohortis *Anglicæ* ibi militantis a Sacris, advecta, mecum communicata est. Jam nunc ante oculos Marmor est, album, uncias decem cum semisse longum, octo et dimidiam latum; in quo Inscriptio, Literis hic, dimidio minoribus, ære *Cyprio* incisus, sic integre legenda est (2).

Dijis Manibus. Camilius Saturnalis Camiliæ Natulæ, Patronæ merentissime fecit.

Camilius Saturnalis, olim servus, at jam Libertus, utpote a *Camilia Natula* manumissus, ea de causa Patronæ, a qua cum Libertate Nomen accepit, grate hoc monumentum posuit.

Plurima sunt hujusmodi passim monumenta; quod ex *Grutero*, *Reinesio*, alijsq; patet. Quis autem hic *Saturnalis*, quæve hæc *Natula* fuerit, æque mihi ignotum est, ac quod ignotissimum. Habet nihilominus Inscriptio non pauca, quæ notatu digna videantur.

Prima tantum A lineam habet transversam; reliquæ omnes *Perpendicularem*, cruribus interpositam, hunc fere in modum A; quod, Imperio ad occasum vergente, primum in usu fuisse judico. Utut illa res sit, hanc hujusce

(1) *Anton. Augustini* Antiquitatum Dialog. IX. (2) Vide Tab. IV.

jussæ Literæ formam, alibi quam in hoc Lapide, nondum me vidisse memini. Miror eam omitti et in *Bouterovij* et in Doctissimi *Bernardi* Alphabetis. Raram igitur existimo.

E ter quater hic pro Æ: qua de re vide *Commentarium* in *Julij Vitalis* (3) Epitaphium. In omni hujus Inscriptionis E, lineæ tres parallelæ, a perpendiculari incipientes, sunt et perbreves, et inter se æquales.

Linea 4ta. In utraq; Consonante L L, Lincola, cui perpendicularis insitit, est brevissima: hinc videtur *Rhodium* (4), ad *Scribonium Largum*, asseruisse, [*Veteres figura parum diversa Literas I & L finxisse, notissimum est.*]

PAT-RONE. De syllabæ mediæ iniqua divisione, non est et verba faciamus; cum [*hujusmodi Errorum*, (ut ait *Dausquius* (5), *segetem peramplam habent veteres Inscriptiones.*)]

Eadem fere *Patronæ*, atq; *Patroni* ratio. Impp. *Diocletiano* et *Maximo A. A.* sancitum est, [*neq; Patronæ tue obsequijs refragari te fas est:*] quam ad *Legem Gotofredus* [*ut Patrono ita Patronæ debetur obsequium*] (6).

MERENTISSINE pro MERENTISSIMÆ. M in N *μετασχηματι.* (7) *Prisciani* Sententia M mutatur in N; potissime C. D. T. vel Q. sequentibus: (ut in *Anceps*, *Eundem*, *Idemdem*, *Tanquam.*) Sed, ut quod verum esse suspicior, agnoscam, Operarij hoc erratum esse judico, Literam N, nuperrime sculptam, oscitanter iterantis.

Nomen hoc est *Participiale*, maxime in Lapidibus usurpatum. Sic *Gruterus* (8).

REGIVS ARISTIVS PRIMITIVVS ARISTIÆ FILETINI PATRONÆ BENEMERENTISSIMÆ ET REGIVS HERMES VXORI MERENTISSIMÆ. P.

Punctorum

(3) Pag. 138. (4) Pag. 307. (5) *Orthographicæ* Vol. I. pag. 157. (6) *Cod. Lib. VI. Tit. VI. Leg. 8.* (7) *Lib. I. Ed. Putschian.* (8) Pag. 932. n. 7.

Punctorum hujus Inscriptionis incerta ratio est; alii vocabulis integris subjiciuntur, ut in Linea 4ta, alterum gladioli, alterum H dimidiatae formam habens, sic I : tertium triangulare, in fine lineae tertiae, post syllabam C A ; sed omnino nimium.

De Folijs, quæ in Lapidibus cum Epitaphijs incidi solent, olim a me (9) post alios dictum. Hic autem observatu dignum est, Herbarum folia, quæ cum Epitaphijs ut Humanæ imbecillitatis indicia adhibentur, non ea de causa hic adhiberi : hic, inquam, ubi nihil nisi animi beneficijs obligatum, & lætitia plenum, ostendit Lapis. Idem mea sententia dicendum de folijs, quæ in (10) *Longinorum* Altari, quæq; in Altari quod *M. Aurelio* (11) *Antonino* dicatum fuit, incidebantur. Hæc igitur mera ornamenta cælatoris ingenio deberi cogitandum est.

Camilij nomen a Patrona *Camilia Saturnalem* accepisse, dixi; quod *Romanorum* more factum est. Hac de re (12) *Lipsius* [*Idem* (servi) manumissi, in nomina Dominorum veniebant, cognomine excepto : loco cognominis vetus suum nomen retinebant, ut *Marcus Tullius, Tyro* : *Ciceronis Libertus*]

[*Libertas*, affirmante *Paulo J. C.* (13) *inestimabilis res est.*] [*Nihil* (14) *ea gratius servo præstare potest.*] Patroni, qui servos manumiserunt, et ex justa servitute eos solverunt, quasi *Patres*, qui a morte in vitam illos revocarunt, (15) appellabantur. *Grandi hoc Beneficio* (sic ab (16) *Ulpiano* dictum est) a Patrona decoratus *Saturnalis*, grati erga eam animi monumentum fecit, et marmore, omne ævum duraturo, merentissimæ ejus laudes celebravit.

Tanti fuit, apud *Romanos*, *Libertas* !

XVI. A

(9) Comment. in *Julij Vitalis* Epitaphium, pag. 187. (10) *V. Camdeni Britanniam* Anglice, pag. 570, a Cl. *Gibsono* editam. (11) *V. eandem*, pag. 602. Iterumq; pag. 852. (12) *V. Justij Lipsij* Tractatum peculiarem, [*De Nominibus veterum Romanorum*] Cap. II. (13) *D. de diversis Regulis Juris*. L. 106. (14) *D. de Fideicom. Libert. Leg.* 39. (15) *Lexicon Juridicum Joh. Calvinij*; voce *Liberti*. (16) *D. de Bonis Libertorum. Leg.* 1.